



**Instrvctio R. P. Bartholomæi Riccii Societatis Iesv
Theologi De Modo Recte Meditandi De Rebvs Divinis**

Ricci, Bartolomeo

Mogvntiæ, 1605

1 Qvales sint actus Voluntatis.

[urn:nbn:de:hbz:466:1-59608](#)

DE EXERCITIO VOLUNTATIS IN MEDITATIONE.

TRACTATUS VI.

DE EXERCITIO VOLUNTATIS IN MEDITATIONE.

De Actibus Voluntatis.

C A P. I.

VONIAM apud scriptores quæstio est, an voluntas nostra præter sex actus suos proprios, vendicet sibi quoque vndecim passiones vel affectiones quantum versantur circa bonum generatim sumptum, quæ attribui solent Appetitui sensitivo, ut circa suum sensibile obiectum versatur, omnes hic commemorabo, ut rectius percipias, quod sit exercitium voluntatis in Meditatione. **AFFITIONES** igitur illæ vndecim duplices sunt Aliæ spectant bonum, ut amor, desiderium, gaudium, spes desperatio. Aliæ malum, ut odium, fuga, Tristitia, timor, Audacia, ira. Nam omnis potentia appetitiva naturaliter fugit ma-

N 3 lum,

lum quod contrarium est bono naturaliter ab eadem adamato. ORDO harum affectio-
num sere hic est simulatq; intellectus obtu-
lit rei aliquam velut bonam & conuenien-
tem, voluntas illico ei consentit, & producit
actum amoris & si non sit in eius potestate,
succedit voluntas cam assequēdi, qui actus
dicitur desiderium. Quod si forte eandem
assequatur, excitatur gaudium. Ac hi qui-
dem actus tres voluntatis, ut vides, inter se
differunt. nam desiderium est rei futuræ, &
absentis; gaudiū verò semper est boni pre-
sentis iam possessi. at amor est utriusq;: a-
mamus enim & ea quæ nondum habemus,
quia si non amarentur, nec desiderarentur.
ac rursum amamus iam possessa, quia non
oblectaremur in illis, nisi amaremus. De-
mum, si bonum appareat arduum, quod ta-
men obtineri possit, Desiderio accedit spes:
at si non possit, Desperatio.

Actus verò qui circa malum versantur,
hunc ordinem tenent. simulatq; malū vo-
luntati oblatū est, nascitur in ea Odiū, quæ
est auersio quædam à malo, si malum facile
euitari possit, sequitur Fuga, si non possit,
Timor. Si verò videatur virib. posse expu-
gnari, exurgit Audacia. at si omnino impen-
deat, nascitur Ira, & cupido vindicāti. Quod
fini-

Si nihil efficere possit, sed succumbat malo
irruenti misera voluntas affligitur & oritur
in ea Tristitia, quæ affectionū est postrema.

Sex autem Actus, quos diximus proprios
esse voluntati, sunt hī sequentes. Primus in
scholis appellatur VOLVNTAS, sed ut distin-
guatur à potentia, quæ idem nomen habet,
vocabimus VOLITIONEM. Et hic est primus
actus quæ voluntas post bonum aliquod ab
intellec̄tu propositum exerit, eo quod co-
gnoscat sibi illud esse cōueniens. Secundus
dicitur INTENTIO, & est affect⁹ ille, quo ho-
mo prætendit bonū sibi propositū, sed vna
cum mediis. Exempli gratia sint ægri duo,
quorum alter prætendit sanitatē, sed tempe-
randā per medicinā, alter eandē, sed recu-
perandam per abstinentiā. Tertius dicitur
ELECTIO, quo voluntas ex multis mediis
pro libito seligit vnum, q̄ maximè cōducat
suo fini, vt si alter ægrorum, seligat abstinē-
tiā pro recuperanda sanitate, eo quod ex
medicinis magnā solitus sit pati nauseam.
Quartus est CONSENSVS, quo voluntas se
determinat & applicat ad medium iam
electum. Quintus est VSVS, quem nos pos-
sumus vocare APPLICATIONEM, quia est a-
ctus voluntatis, quo illa omnes potentias
applicat ad perficiendas suas operationes, vt

N 4 Intel-

Intellectu ad considerandum, oculos ad videndum; pedes ad ambulandum, manus ad percutiendum. Sextus est F R V I T I O, qui est idem cum Gaudio supra nominato.

De modo excitandi actus Voluntatis, qui versantur circa bonum.

C A P. II.

DIXIMVS primum actum voluntatis circa bonum esse *amorem*, quo consensit bono, illudque approbat, illi applaudit tanquam rei sibi conuenienti, nec longius progreditur. Hinc sit, verè dici, etiam improbos amare virtutem, quia indicant rem bonam, eamq; probant, sed non sunt solicii-
ti de ea consequenda: non absimiles homi-
ni saturo, qui licet amet & probet lautos
cibos, tamen eos sumere detrectat.

Hic amor in virtutem, & res pias (nam in Meditatione hæc querenda sunt) nascitur ex sedula, attenta & frequenti earum consideratione. sicut natus est in corde prophetæ Dauidis amor ardentissimus erga legem diuinam. *Quomodo, inquit, dilexi legem tuam Domine?* sibiq; responderet. *Totæ die meditatio mea est.* Non igitur sufficit leuis aliqua cogitatio, & semel intra centum an-

Psal. 97.

nos,